



**WEHEI!  
Y ROWND  
DERFYNOL!**

**Croeso i'r Pecyn Cystadlu  
Cenedlaethol Uwchradd**

**GORNEST  
LYFRAU 2026**

# LLONGYFARCHIADAU AR GYRRAEDD ROWND GENEDLAETHOL YR ORNEST LYFRAU!

**Mae'r ORNEST LYFRAU yn ôl, ac am y tro cyntaf erioed, mae categori cystadlu uwchradd!**

Dyma eich cyfle i gynrychioli eich sir, **trafod llyfrau**,  
mynychu **gweithdy awdur** a **pherfformio** darn byrfyfyr!  
Bydd yr ysgolion buddugol yn ennill tlws arbennig ynghyd ag un o'r gwobrau canlynol:

Gwobrau Gornest Lyfrau 2026:

Gwobr 1af – gwerth £200 mewn llyfrau ac ymweliad awdur (a hawl brolio!)

2il wobr – gwerth £150 mewn llyfrau

3edd wobr – gwerth £100 mewn llyfrau

**GORNEST  
LYFRAU** 2026

Ewch amdani!

# SUT MAE'N GWEITHIO

Bydd angen dewis uchafswm o 8 aelod  
i fynychu'r rownd genedlaethol

Trafod

4 ar gyfer y criw  
trafod a 4 ar  
gyfer yr heriau  
ychwanegol.

Ysgrifennu

Tasg  
ysgrifennu  
(uchafswm  
o 2 aelod).

Darlunio

Tasg darlunio  
(uchafswm  
o 2 aelod).

Perfformio

Mae hefyd un dasg  
perfformio lle mae'r  
8 aelod yn gallu  
cymryd rhan.

Sgorio

Rhoddir 40% am y  
trafod, 40% am y  
perfformio, 10% am  
y dasg ysgrifennu, a  
10% am y dasg darlunio.



## HER 1

### Tasg Perfformio

Bydd angen i'r 8 aelod creu a pherfformio darn byrfyfyr. Does **dim angen** i bob aelod fod yn y perfformiad terfynol, ond mae croeso i bawb cymryd rhan trwy gyfrannu syniadau.

Byddwn yn gosod y dasg yn ystod y 5 munud cyntaf ac yna, bydd **hanner awr i baratoi** perfformiad hyd at **3 munud** ar ddiwedd y sesiwn.

Bydd y Cyngor Llyfrau yn darparu briff a meini prawf manwl ar y diwrnod.



## HER 2

### Y Draffodaeth

Fel y dasg trafod o'r rowndiau rhanbarthol, prif nod yr her hon yw dangos bod y criw yn gallu trafod y cymeriadau, digwyddiadau, themâu a negeseuon y llyfr ynghyd â'r profiad darllen.

- Nid paratoi / dysgu sgript o flaen llaw yw'r bwriad.
- Mae disgwyl i bob aelod gyfrannu i'r draffodaeth ac ymateb i sylwadau ei gilydd ac i gwestiynau penagored a sylwadau'r beirniad lle bo'n briodol.
- Bydd **4 aelod** ym mhob tîm trafod.
- Bydd y sesiwn draffod gyda'r beirniad yn para tua **8 munud**, a bydd y beirniad yn rhoi munud o rybudd cyn diwedd y draffodaeth.



## Am beth fydd y beirniad yn chwilio?

### Gwybodaeth

- Gwybodaeth drylwyr am gynnwys y llyfr.
- Y gallu i fynd dan groen y llyfrau, y stori a'r cymeriadau, lle mae hynny'n briodol.
- Dealltwriaeth dda o neges a themâu'r llyfr.
- Cyfeirio at ddarllen ehangach y tu hwnt i ofynion llyfrau'r gystadleuaeth, lle mae hynny'n briodol.


### Mynegi Barn

- Mynegi barn yn glir gan roi rhesymau gonest a theg.
- Y gallu i holi, cytuno, ateb, anghytuno a herio'n gwrtais, lle mae hynny'n briodol.
- Gwrando ac adeiladu ar sylwadau ei gilydd.
- Cynnig sylwadau sy'n berthnasol i sylwadau eraill.



### Trafod fel Grŵp

- Y gallu i drafod yn annibynnol fel grŵp.
- Cyfraniad cyfartal a chytbwys gan bob aelod o'r grŵp.
- Trafod byrlymus.
- Gallu ymateb i gwestiynau sy'n codi o'r drafodaeth.



### Cywirdeb Iaith a Naturioldeb

- Defnyddio geirfa, ymadroddion a chystrawennau Cymraeg.

## Engbreiff tiau o bwytiau i'w trafod

- Oedd yna unrhyw beth yn benodol y gwnaethoch chi ei fwynhau neu ddim ei fwynhau am / yn y llyfr?
- Pa gymeriad oedd fwyaf diddorol i chi? Ym mha ffordd? Pam hynny?
- Beth ddaliodd eich sylw chi am / yn y llyfr?
- Ydych chi wedi darllen unrhyw lyfrau tebyg i hwn?
- Beth hoffech ei newid am y llyfr?
- Yn eich barn chi, i bwy mae'r llyfr hwn yn addas?
- Sut fasech chi'n disgrifio'r llyfr hwn i rywun yr un oedran â chi? Fasech chi'n argymhell y llyfr hwn i blant eraill?
- Petaech chi'n gallu cwrdd ag un cymeriad o'r llyfr, â phwy hoffech chi gwrdd? Pam hynny?
- Beth ydych chi wedi ei ddysgu trwy ddarllen y llyfr hwn?

- Pa gwestiynau oedd gennych ar ôl darllen y llyfr hwn? Ydych chi wedi dod o hyd i atebion i'r cwestiynau hynny? Beth oedd yr atebion?
- Sut ydych chi'n credu bod darllen llyfrau ffeithiol yn wahanol i ddarllen ffuglen?
- Beth oedd eich argraffiadau cyntaf chi o'r llyfr?
- Beth ydych chi'n credu yw'r peth pwysicaf am y llyfr yma?

*Tra bod hanner y tîm yn gwneud y dasg trafod, bydd yr hanner arall yn gwneud dwy dasg hwyliog, sef tasg ysgrifennu a thasg darlunio.*




## HER 3

### Tasg Darlunio

Tasg disgriblo yw hon, lle bydd angen i **2 aelod** ymateb i briff manwl ar y diwrnod i greu cymeriad neu olygfa.

Bydd y Cyngor Llyfrau yn darparu briff ar y dydd ac yn darparu offer darlunio, fel papur a phensiliau. Bydd y dasg hon yn para **45 munud**.



## HER 4

### Tasg Ysgrifennu

Yn debyg i'r dasg darlunio, bydd angen i **2 aelod** ymateb i briff manwl ar y diwrnod i ysgrifennu hysbyseb greadigol ar ffurf sgript ar gyfer llyfr penodol (llyfr stori-a-llun i blant ifanc) i annog plant eraill i brynu neu ddarllen y llyfr.

Bydd y Cyngor Llyfrau yn darparu briff a meini prawf ar y dydd, yn ogystal ag adnoddau fel papur a beiros. Bydd offer ysgrifennu a geiriaduron ar gael. Bydd y dasg hon yn para **45 munud**.

# DYDDIADAU PWYSIG

Angen rhagor o wybodaeth?  
Cysylltwch â chydlynnydd Gornest Lyfrau  
drwy ebostio [plant@llyfrau.cymru](mailto:plant@llyfrau.cymru)

**Gwybodaeth Teithio**

Bydd angen i'r  
timau gyrraedd  
**THEATR ARAD GOCH**  
erbyn 9.30 y bore.\*  
Stryd y Baddon, Aberystwyth,  
Ceredigion, SY23 2NN

Trefnwyr sirol i roi'r  
canlyniadau sirol i'r  
Cyngor Llyfrau erbyn  
**MEHEFIN 10**

\*Rydyn ni'n awgrymu teithio  
mewn dau llond car.  
Mae maes parcio rownd y gornel ar  
Ffordd y Gogledd, SY23 2EG.

Ysgolion i  
gadarnhau eu dewis  
o lyfr ar gyfer  
y dasg trafod gyda'r  
Cyngor Llyfrau erbyn  
**MEHEFIN 19**

**MEHEFIN 30**  
y rownd derfynol  
yn digwydd yn  
Aberystwyth.

# GORNEST LYFRAU 2026

  
CYNGOR LLYFRAU CYMRU  
BOOKS COUNCIL of WALES



Ariennir gan  
**Lywodraeth Cymru**  
Funded by  
**Welsh Government**

Wedi'i drefnu a'i gydlynu gan Gyngor Llyfrau Cymru